



Inatsisartuni ilaasortaq Siverth K. Heilmann
Atassut
-/Maani

§ 37 naapertorlugu apeqqummut nr. 2012-117-imut akissut

Asasara Siverth K. Heilmann

Aallarniutigalugu apeqqut saqqummiussat pillugu qutsavigerusuppakkit. Apeqqut paasissutissanut sukumiisorujussuarnut tunngasuummat, immikkoortortanit akissutinik pissarsiniarneq sivisusimavoq, taamaattumillu nalunaarutigineqareersutut akissuteqarnissaq kinguaattoorpoq.

Matuma kinguliani apeqqutit issuarneqarpoq, akissummik malitseqartinneqarluni.

1. **Ukiut qulit kingulliit iluanni nunatsinni ineqarnermut qaammammut akiliutaasartooq qanoq ineriartorsimava? Ukiullu qulit kingulliit qanoq qaffariaateqarsimava?**

A/S Inissiaatileqatigiiffik INI-mit ilisimatitsissutigineqarpoq, inissiani ingerlatseqatigiiffiup 2001-imi aqutaani ineqarnermut akiliut agguaqatigiissillugu m²-mut 396 koruuniusimasoq.

2012-imi inissiani INI-p aqutaani ineqarnermut akiliut agguaqatigiissillugu m²-mut 644 koruuniuvoq.

Tassalu ineqarnermut akiliutit assigiinngissutaat 248 koruuniuvoq.

Taakkuli imminnut toqqaannartumik assersuunneqarsinnaanngillat, ingerlaavartumik akit akissarsiallu siumut missiliorneqartarmata. Atuinnermut akinut naleqqersuut (1995=100) 2001-imi 107,7-iusimavoq, aammalu 2012-imi 147,8-aalluni. 2001-imiit ullumikkumut akit qaffaataat eqqarsaatigigaanni, 2001-imi ineqarnermut akiliut 543,44 koruuninik annertussuseqarpoq.

Tassalu qaffaatit 543,44 koruuniniit 644 koruuninut, imaluunniit 18,5%-inut assersuunneqarsinnaapput.

Neriuppunga tamatumuunakkut suliamut paasinnitsitsisimassallunga, aammalu paasissutissanik amerlanerusunik piniarfigineqarnissamut piareersimavunga.

Inussiarnersumik inuulluaqqusillunga

Jens B. Frederiksen

18.maj 2012
Sags nr. 2012-065648
Dok.nr. 910883
Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl